

定山堂詩集

定山堂詩集卷三十七

七言絕句二

九十三首

擬宮怨

二首

爲蔣光題巖犖畫

爲虎別題巖犖畫

爲魯齋題巖犖畫

爲膠侯題巖犖畫

墨竹

二首

爲園次題巖犖畫

二首

贈歌者王郎南歸和牧齋宗伯韻

十四首

送文漪之濟上

六首

祀竈口號

四首

秋夜飲歸卽事

六首

雪後奏事南海子

四首

戲爲欽我解嘲

七首

寄懷彥遠

十首

送劉何實比部之粵東時同秋岳雪航并諸

吳客集豈凡先生齋中

四首

題何實小像

吳見末比部將出讞西蜀同人賦詩爲別已

成帙矣而使 命忽止因題五絕歸之

五首

爲沈郎玉卿題便面

六首

讀梅村王郎曲

甲午三月感事

送欽我南行三首

戲爲文漪二絕句

卽事

二首

櫟園忽有聞海之行追送不及悵惘久之因

成一絕句

寒夜同秋岳燕友友沂集雪舫齋中

五首

南海子候議夜歸卽事

二首

定山堂詩集卷三十七

姪嘉稽

淮南龔鼎孳孝升著

男士稹全較

弟鼎璚孝積訂

上稚

順治辛卯迄  
丙申存稿

七言絕句二

擬宮怨

珠簾繡幄鬪春風  
玉鏡含情總不工  
一樣昭陽花底月  
却來長信漏聲中

定山堂詩集

七言絕句

卷三

其二

強持團扇立秋星  
金屋螢流夜不扃  
複道笙歌迴御覽  
承恩原自屬娉婷

爲葆光題巖壘書

歷落欽寄第一流  
管丘北苑在滄洲  
煙雲不入巾山篋  
留助幽人萬里遊

爲虎別題巖壘書

平生我愛戴安道  
天下人稱張長公  
黃紙署衙並作埒  
何如身在此山中

爲魯齋題巖犖畫

萬仞巉巖不可攀，蒼寒如見故人顏。  
他時大澤生雲雨，猶記滄洲雪裏山。

爲膠侯題巖犖畫

墨竹

含風浥露盡秋聲，百尺琅玕墨沼橫。  
一夜籀龍滄海長，侍郎派已壑彭城。

其二

春園桃李日紛紛，立懦廉頑有此君。  
寄傲何心嘲肉食，絕交書代北山文。



爲園次題巖壑畫

亂峰蒼翠散空濛  
老樹微茫萬壑中  
振袖大呼奇絕處  
重瞳親識米南宮

其二

秋風香草罪當門  
夢去青山酒一樽  
他日攜柑過北固  
江聲先滿戴公園

贈歌者王郎南歸和牧齋宗伯韻

吳苑曾看蛺蝶身  
行雲乍繞曲江塵  
不知洗馬情多少  
官柳長條欲似人

其二

醉拋錦瑟落花傍  
春過蜂鬚未褪黃  
十里芙蓉珠箔捲  
試歌一曲鳳求凰

其三

香鞦紫絡度煙霄  
金管瑤笙起碧寥  
誰唱涼州新樂府  
舊人彈淚覓紅桃

其四

漁陽鼓動雨鈴暗  
長樂螢流皓月沉  
不信銅鈿荆棘後  
一枝瑤草秀中林

其五

將身莫便許文鴛羅袖能窺宋玉牆歸到茱萸溝  
水上一叢仙藥擁唐昌

其六

盤髻搗箏各鬪粧當筵彈動舞山香酒錢夜數留  
人醉不是吳姬不可嘗

其七

生成珠樹有鸞棲丞相鳴鐘邸第西爲報五侯鯖  
又熟平津花月賤如泥

其八

長恨飄零入雒身相看憔悴掩羅巾  
後庭花落腸應斷也是陳隋失路人

其九

蕭騷蓬鬢逐春衰入座偏逢白玉枝  
珍重何堪天寶意雲門誰與奏埙篪

其十

天半明霞繫客思杜鵑無賴促歸期  
紅泉碧樹堪銷暑妬殺銀塘倚笛時

其十一

金谷人宜障紫絲  
杜陵猶欠海棠詩  
玉喉幾許驪珠轉  
博得虞山絕妙辭

其十二

煙月江南庾信哀  
多情沈炯哭荒臺  
流鶯正繞長楸道  
不放春風玉勒回

其十三

韋公祠畔乳鶯飛  
花下聞歌金縷衣  
細雨左安門外路  
一行芳草送人歸

其十四

初衣快比五銖輕  
越水吳山竝有情  
一舸便尋香粉去  
不須垂淚祖君行

送文漪之濟上

徂徠山畔住  
征驂想像金泥七十函  
匹練吳門能極目  
那須重唱望江南

其二

驛路鳴榔過早梅  
南枝香傍北枝開  
桃花濟水胭脂色  
同襯寒香到鏡臺

其三

碧嶂青霜度玉鞍  
文魚錦字報加餐  
翩翩席上行  
珠履莫作尋常彈鋏看

其四

長安花月紫游韁  
擊筑高歌俠少場  
金埒五陵初  
罷酒玉人十日坐分香

其五

千山雪色照吳鉤  
衰柳寒楓送別愁  
總使臨邛能  
重客金樽不換鸕鶿裘

其六

西北高樓日暮情鬱金裙衩坐撈筆殷勤除夜椒  
花殘少婦紅閨早計程

祀竈口號

不因人熱又經春索米頻看釜有塵上帝若詢功  
過事勿言口語忤平津

其二

草草辛盤送一年居亭風味太蕭然天廚莫笑灌  
鹽薄犢鼻禪充下筯錢



其三

積薪終日上頭居  
漢殿人猶忌子虛  
今夕一杯聊媚竈  
十年誤信解嘲書

其四

紛紛同輩各青雲  
爨下青桐罪可焚  
爲厭朱門新意氣  
酒酣裂却送窮文

秋夜飲歸卽事

九衢燈火競長安  
醉罷笙歌漏欲殘  
誰向南天吹畫角  
西風鴻雁月中寒

其二

夜夜華筵合列卿  
大酺何日賜蒼生  
甘泉烽火秋來急  
不爲羣公減太平

其三

三輔蛟龍徹夜呼  
江淮菜色接東吳  
好將邸第鳴鐘會  
綴入流民鄭俠圖

其四

百川秋水決金隄  
氷雹兼聞滿晉齊  
自是京華天眷厚  
朱門爭唱白銅鞮

其五

羽林金甲渡渾河  
落日秋原臥紫駝  
醉倚按鷹臺  
上望前軍新自鄴城過

其六

玉塞霜高掛角弓  
爭看談笑靖兵戎  
不知何地秋防急  
一夜鳴鞭萬騎東

雪後奏事南海子

寒城車騎易黃昏  
積雪高原隱燒痕  
一縷吹煙斜繞寺  
望中知是小紅門

其二

銅扉夜捲翠旗風  
虬箭霜沉五柞宮  
長使玉堦無指鹿  
不妨金殿自當熊

其三

南苑波連太液池  
按鷹風急玉笳隨  
白頭官監猶能說  
閒過天崇兩廟時

其四

漢殿文章重上林  
凌雲陪輦事難尋  
樽前一曲歌招隱  
輸與山陰雪興深

戲爲欽我解嘲

錦瑟銀樽總斷魂  
春風一夕起長門  
莫愁團扇流螢度  
但保紅顏卽保恩

其二

長楸風日紫游韁  
繫馬垂楊大道傍  
爲愛鬱香裙衩好  
瑣牕長繡兩鴛鴦

其三

結束翩翩錦帶鉤  
打毬場待少年游  
兒家夫婿堪千騎  
忍使羅敷詠白頭

其四

淚痕常映粉痕斜，愁隔明蟾。  
翡翠紗幮小，立闌干、風露冷。  
背燈偷種合歡花。

其五

屏風曲曲夜吹簫，惆悵長條。  
共短條花漲金溝，春幾尺、多情不及廣陵潮。

其六

典慶樓前樂事長，玉喉宛轉善和坊。  
柳花塋酒當壚笑，空遣紅閨怨夕陽。

其七

衣桁生塵壁月低一聲長歎  
畫樓西好留子夜殘  
燈火坐待花間碧玉蹄

寄懷彥遠

憑高大陸暮雲黃月照松關  
夜似霜莫向太行詢  
過雁故人愁絕酒壚傍

其二

諸侯高宴五陵游金角遙生  
玉鏡愁正是客心搖  
落後藕花消息又經秋

其三

塞垣衰柳玉河冰萬里天風縱去鵬芳渚肯容併  
閉戶客心日日到西陵

其四

漆身吞炭昔如何國士橋邊灑淚過惆悵酒徒零  
落盡五更寒月聽悲歌

其五

素絲錦字粲成行操作人同典鸛鵲歸去五湖秋  
色裏因風還剪菱荷裳



其六

海棠花落惜分攜  
樽酒愁看碧玉蹄  
不信千山風葉亂  
尺書重到寺門西

其七

奇士曾從東閣看  
憂時相國鬢先殘  
逢人河朔休論事  
四海蒼生誤謝安

時鐵山以  
爭事罷相

其八

每讀曹侯畫裏詩  
疎香寒玉太離披  
銷魂十載西谿約  
花竹春山叫子規

秋岳有  
西谿詩

其九

長安車馬日紛紛老去銀魚未肯焚獨有江東吳  
學士藥鑪寒雁送秋分

謂梅村

其十

舍人簪筆鳳池邊阮瑤河汾檄草傳不及西泠胡  
處士梅花香伴玉牕眠

謂聖秋  
伯紫

送劉何實比部之粵東時同秋岳雪航并諸  
吳客集豈凡先生齋中

樽酒藤陰話路岐鳴蟬猶及晚涼時共言相國清

冰甚一醉能令倒接離

其二

吳趨絃管竟消愁仙使偏開八月舟縱遣尊鱸來  
誰下客心不似五湖秋

其三

西陵垂柳共煙波畫省名香動玉珂招隱未須歌  
桂樹中原才子白雲多

其四

南海風高戰角鳴尉佗臺畔六軍行懸知使粵金

裝薄好爲瘡痍勸息兵

題何實小像

金粟前身玉雪姿  
謝公風致謫仙詩  
休言瓢笠無餘事  
多少蒼生望活時

方讞獄  
粵東

吳見末比部將出讞西蜀同人賦詩爲別已  
成帙矣而使 命忽止因題五絕歸之

父老爭傳論蜀恩  
秋風蕭瑟卧文園  
殷勤爲謝張廷尉  
今日蒼生已不冤

其二

烽連棧道暮雲黃捲甲成都戰壘長不識保寧城

下路年年杜宇問投荒

爲雪海  
侍御

其三

劍閣褒斜地入雲開樽詞客感離羣誰將牛喘煩  
丞相一路啼猿總不聞

其四

驚聞豺虎盛三巴兵後耕農有幾家縱遣春風空  
貫索也應變理到桑麻

其五

瀨水驚濤濺客寒  
延陵掛劍涕漫漫  
未論負弩矜  
叢日京雒先歌行路難

爲沈郎玉卿題便面

海棠落盡柳花飄  
花底何人度玉簫  
自倚碧欄杆  
畔立垂楊不及沈郎腰

其二

羅帶迴風不動塵  
留仙一曲綺筵春  
扶來七寶蓮  
花步我見猶憐是美人

其三

紅豆新翻金縷衣  
畫梁高遏彩雲飛  
開元鈴歇龜年散  
塞北江南此調稀

其四

吳閶風調數王郎  
醉卧燕姬錦瑟傍  
今日流鶯芳樹外  
春風又送鬱金香

其五

一別橫塘油壁車  
幾年絃管雜飛沙  
因君却憶西陵路  
蘇小門前紅藕花

其六

雕籠鸚鵡閑芳年玉樹明鐙宛轉前名下易增淪  
落恨千山詞賦已風煙

讀梅村王郎曲

急管霜高舞柘枝當風垂柳尚如絲酒闌誰奏梅  
村曲腸斷王郎十五時

甲午三月感事

廣陵一曲駐斜暉鶴唳華亭事已非爲語袁絲休  
得意自今東市有朝衣

送欽我南行三首



定山堂詩集

七言絕句  
十四

卷三七

紅閨玉筍已啼殘  
柳外珠鞭帶恨看  
細熨吳綿金粟尺  
青綾愁傷客舟寒

其二

黃菊丹楓去路稠  
鳴笳千騎動朱旂  
誰歌蕩子從軍曲  
玉笛關山一片秋

其三

壚頭日醉鬱金裙  
別後衣香夢裏聞  
縱使燕姬花繞座  
何如鶯鷺擁廻軍

戲爲文漪二絕句

親見紅亭折柳枝梨花春酒照金羈蕭蕭暮雨  
梧桐急不信瓊牕得意時

其二

兩年春水問歸舟紅淚仍彈玉笛秋斜日朱欄  
攜手處應憐西北有高樓

卽事

甘泉一夜敞經筵晝日臨池寶翰懸近報祠官重  
奏祭竹宮燔火自祈年

其二

允山堂詩集

卷十五

煙雲恩染侍臣裾  
火藻夔龍一德初  
還向天章分筆札  
丹青馳譽召尚書

櫟園忽有閩海之行  
追送不及悵惘久之因成一絕句

燕市風高攬敝裘  
海天人去獨登樓  
一行南雁蘆溝月  
遷客無情也白頭

寒夜同秋岳燕友友沂集雪航齋中

秋岳時

荆之粵

絳燭寒宵意自親  
高齋星聚五湖人  
車門馬廐塵

多少不信春鷗懶是真

其二

熊館霜青急射鵬露臺月上赤鸞簫漢庭陪輦多  
英俊羸得深樽罷早朝

其三

灞橋衰柳玉河冰萬里鴻飛尚繳矰任道蠻江風  
物好肯將蝦菜換吳興

其四

花月南天夢不虛酒人相勸只焚魚多情芳草牽

離轍翻借中山一篋書

其五

十年彈劔意難平一夕悲歌華髮生  
輸與時賢談黨錮千秋嵇阮自成名

南海子候議夜歸卽事

幾家茆屋閉燈火半夜嚴城開雪霜  
閒却西谿兼邵尉老梅萬樹月千行

其二

牘背寒星奏讞初雪殘猶憶鱸冰魚

余爲秋官侍郎時事翠

華今夜期門集可有相如諫獵書

定山堂詩集

七言絕句  
十七

卷七

定山堂詩集卷三十八

七言絕句詩三

八十一首

春夕髯孫過飲時將賦歸

十二首

戲爲髯孫題壁

戲題文漪便面

四首

入上林署口號

四首

宮詞二首

謝濮源宮坊餉橄欖草屨

重送榕菴郡伯和子俶韻

八首

偶題文漪扇頭墨菊

爲張子題畫冊

二首

又題畫蘭後送髯孫

五首

送吳六益

七首

爲友人題似面小畫

七夕戲爲文漪四絕句

又戲爲介玉兼補催妝

四首

秋夕寓意

二首

潞河登舟口號四絕



泊頭書事

四首

悼懷盧紫房先生

二首

夏夏津出郊四十里相陪飲餞流連遂至竟

日賦謝四首

贈臨清馬生

二首

舟經太白樓懷古

二首

南湖晚泛

南湖晚眺

海昌相國共事度支時每簡自是欲歸歸不

得五湖烟水有誰爭之句今倚檣眺望湖  
山滿眼正未知榆關歸騎定在何時爲之  
悵然歎憶

二首

夏鎮紀事

四首

舟阻阿城聞陳龔二生適自都門後至小飲  
半响而別

二首

河風忽駛將抵安山口號志喜

二首

定山堂詩集卷三十八

姪嘉稽

淮南龔鼎莘孝升著

全

弟鼎璿孝積訂

士稚

順治辛卯迄  
丙申存簡藁

七言絕句詩三

春夕聶孫過飲時將賦歸

尊拙齋頭春夜酒中林堂下晚秋花多情不忍輕  
離別悔繫垂楊白鼻騮

其二

六朝金粉盡樓前  
腸斷侯家歌舞筵  
今日博山沉水路  
獨憐才子正當年

記冠白門  
鼓書事

其三

十載名山老抱書  
青衫彈淚向枯魚  
爭知玉碎囊琴市  
狗監無人問子虛

其四

漢苑同時羽獵多  
期門人唱大風歌  
難看斜日長楸外  
猶有麻鞋踏雪過

其五

袁家池館海陵西  
銀燭高歌醉似泥  
一自敬亭雲散後  
春江惟有子規啼

其六

潭影烏龍峙草堂  
中庭寒菊月如霜  
灤西橡栗原難飽  
誰憶臺城是故鄉

偶及北  
二千皇

其七

淮海天風送客舟  
隰西人遠碧雲浮  
淒涼李白祠前月  
一卷新詩萬木秋

其八

織錦誰憐出塞情，英雄垂死欲成名。  
西堂沒羽人如虎，半夜弓刀向客鳴。

二首皆爲萬子年少

其九

謝眺青山半酒罍，蓬蒿猶故人居朔風雁翅傳。

青玉正是滹沱去雁初。

尊甫祖命以詩見遺

其十

兩世交情白髮前，百年心事一燈懸。  
冰霜萬里人重見，肯遣彭宣避管絃。

其十一

木榻香浮茗椀風  
畫欄春色漸江東  
今宵爲客淹銀箭  
畱夢青燈細雨中

其十二

已報春山笋蕨肥  
花前日日理初衣  
酒闌却笑鳴騶客  
不信江天有路歸

戲爲髯孫題壁

春卧明星發浩歌  
書成不擬遇常何  
醉餘漫濯新豐足  
近日青銅酒價多

戲題文漪便面

玉溝風急柳絲寒  
韋曲春遲躍馬看  
聞說半塘花信好  
月明誰倚碧闌干

其二

橫塘曾渡木蘭舟  
淺白深紅傍檻浮  
今夜夢回芳草路  
春波搖漾枕江樓

其三

應是紅牕欲睡時  
博山香重玉鈎垂  
春寒春煩無情緒  
多少花愁伴子規



其四

采茶時節正啼鶯人瘦春衫冷玉笙生恨五陵金  
彈子花邊日縱少年行

入上林署口號

江總飄零老歲華綰符猶似向天涯印床花落輕  
風度卧看黃梁鬧草麻

其二

榆柳垂陰綠過牆清池鵝鴨數成行野夫自愛村  
庄景不似烏啼列柏霜

其三

雞豚新稅筭緡微  
檢括秋毫計不非  
共說租庸征調盡  
度支辛苦贊宵衣

其四

埜柝昏燈暮掩關  
安排殘夢到青山  
無端鼃蝨欺孤枕  
似助沙堤一解顏

宮詞二首

玉階風露坐黃昏  
長信流螢掩淚痕  
團扇莫辭秋氣奪  
篋中猶自感君恩

其二

玉輦秋衾夢已殘  
水晶簾漾赤瑛盤  
亭亭素手臨寒月  
不向昭陽却扇看

謝濮源宮坊餉橄欖艸履

諫菓自知回味好  
芒鞋欲逐故山行  
何家詩法原清省  
無語能酬二妙情

重送榕菴郡伯和子似韻

潁川渤海古難儔  
五馬高名動帝州  
預識夜光秋壑冷  
一條冰照賜書樓

其二

漢時春開太乙祠賦成五色補天絲爭誇鸞鷟巢  
阿閣始信麒麟帶好兒

其三

花落桑乾客袂分一麾江海自青雲要人車騎從  
來少不學延之詠五君

其四

十年江國賦無衣兵後人尋巷陌歸輶蓋行春高  
一丈好看麥隴雉朝飛

其五

宛雒風烟旅病侵  
栖枝弱鳥杌天心  
地連五嶺愁豺虎  
不及侯門膝席深

其六

街亭鼓能戰塵黃  
殘壘崆峒舊鬱蒼  
下教吏民先節義  
風雲人解漢西楊

其七

白茆樓蓋峴山游  
八詠從知敵隱侯  
批尾帖裁官庫紙  
王家兄弟總風流

其八

客嘲賓戲老西京雌伏全忘羽翮輕一笛紅亭吹  
落月青衫罷酒不勝情

偶題文漪扇頭墨菊

柴桑終古醉爲家秋到南山日易斜愁見寄奴芳  
草綠暝烟孤守一籬花

爲張子題畫冊

雙屐秦淮雪滿樓高齋燈火夜藏鉤飛蓬一別朱  
琴斷惆悵花開自白頭

其二

公瑾風流迥絕塵飄零江海墨華新  
如它麥隴節檐裏看盡東西南北人

念約隔世襟園多難撫卷爲之太息

又題畫蘭後送髯孫

容膝烟霞一草堂敬亭山色照滄浪  
最憐秋水扁舟客雪露沙鷗總故鄉

所居有匾室在湖山之間

其二

到日桑乾落葉稀眼看夏木映巖扉  
春風社燕年年別送客魂銷不共歸

其三

飛書高宴鼓喧闐王粲辭家正少年  
幕府夢回明月夜一湖秋草華門前

其四

行路蕭條倚劍歌酒闌意氣滿關河  
垂楊子夜烏栖淚不及燈前白首多

其五

雪竹霜筠共歲寒風塵去住各漫漫  
心知剪伐因龍性贈汝當門九畹蘭



送吳六益

秋生石磴碧蘿陰  
客散閒門鳥雀深  
最愛能文吳季重  
玉琴詩好傲朝簪

其二

一出春山老蕨薇  
酒鑪高卧似巖扉  
雲間入雒非  
羈宦未許緇塵改素衣

其三

長安宮闕鬱嵯峨  
醉倚青春發浩歌  
熊館上林爭  
奏賦偏憐擊筑羽聲多

其四

昭王臺畔夕陽殘  
玉竈金鳬白露團  
誰信高樓橫笛夜  
一聲秋鴈客心寒

其五

天涯香草恨淒淒  
翡翠簾櫳碧玉蹄  
筆倚珊瑚新句就  
美人雲壓盡樓低

其六

衝泥深夜醉平原  
銀燭燒殘過雨痕  
三歎清商高興發  
興時子建與重論

其七

官齋冰雪對琳瑯修竹風凝畫戟香  
亂定山川誇信美一時才子並遊梁

爲友人題便面小畫

斷崖深處有柴關一杖幽人自往還  
正是西窓風雨到呼燈潑墨看秋山

七夕戲爲文漪四絕句

半塘秋水欲平橋子夜雙星正寂寥  
應向穿針樓上立一天風露冷銀簫

其二

月高金井碧梧斜  
砧杵秋生萬里家  
共信蛛絲能乞巧  
幾時織就合歡花

其三

菱鏡分攜一寸波  
畫簾冰簟五銖羅  
曝衣驗取經春淚  
玉腕香憐半臂多

其四

紅欄船繫柳絲長  
花裏人歸解玉璫  
好夢不須烏鵲渡  
橫塘記取兩鴛鴦

又戲爲介玉兼補催妝

翡翠香濃七寶車曲屏深睡絳桃花

以今春新婚

浮瓜

乍厭冰盤冷碧玉今年正破瓜

其二

博山沉水倚娉婷玉露流螢點盡屏種得垂楊千  
萬縷一年一縷繫雙星

其三

玉鏡雲鬟怯曉梳芙蓉雙頰對相如紫綃好護催  
妝句勝賺人間四庫書

其四

袖拂仙香玉蕊秋  
支機銀漢迓牽牛  
天池碧藕生蓮子  
始信朱花愛並頭

秋夕寓意

紅墻珠斗夜初闌  
碧露無聲白玉盤  
靈鵲盡誇雙羽翼  
素娥衣袖半天寒

其二

咫尺明河玉漏長  
雲輶飛送九霞裳  
天孫肯怨經秋冷  
織素亭亭報七襄

潞河登舟口號四絕

暮雲寒角九河秋去國翻成萬里遊  
寄語玉關諸逐客故人身已屬扁舟

其二

紛紛鷗鷺日華東腐鼠何當嚇遠鴻  
鶴唳幾人春夢破尚嫌鱸膾冷秋風

其三

殷勤牽轍故人情金馬迴翔萬事輕  
上帝夜來翻謫籍天風吹墮五羊城

其四

持節何殊拂袖年青門祖帳藹羣賢  
長安國手紛綦局救敗還爭一著先

泊頭書事

坐對斜陽水驛紅亂帆估客競西東  
旅程也值黃楊厄五日停舟三日風

其二

秋杵青燈月似霜看人簫鼓過風檣  
我肯大有錢刀客不及車門夜語長



其三

折腰爭向小兒多  
五柳先生一枕過  
瀟灑黃花秋  
色裏避人呼酒詠荆軻

其四

十年歸興羨南州  
江舸曾聞此地留  
今日西風雪  
塢裏振衣應爲旅人愁

乙酉秋雪堂先生同遂初  
乞歸至泊頭小停予爲遣

書追  
送

悼懷盧紫房先生

躡屩乾坤記杜亭

丙戌七月

荒園風日晝冥冥  
不知向

秀山陽笛能博稽康醉裏聽

其二

七載秋風發棹歌

庚寅八月

酒罍人已隔山河淒涼盡

扇齋頭月猶照疎牕舊薜蘿

夏夏津出郊四十里相晤飲餞流連遂至竟

日賦酬四首

國門臨賀

我誰如感慨希文郊餞餘獨有聖朝

容古道黨碑端禮不曾書

其二

僮耳烟濤一葉輕  
瘴江人去嶺雲平  
殷勤逐客西風後  
遠水孤帆此夜情

其三

牢修書上更刊章  
垂翼偏驚雉網長  
誰信臨河一尊酒  
玉壺秋月夜蒼蒼

其四

汝南月旦已凋殘  
定望清流振羽翰  
姓字幾人爭日月  
元符貴客等閒看

贈臨清馬生

十一年前秋月圓今來叢菊抱霜眠浮雲車馬人  
何限驢背西風送客船

其二

野水清尊載笛床每攜翰墨當歸裝袁宏烟艇空

江遠入座還憐馬季長

生善畫曾識於袁籀菴坐  
上今籀老罷荊州守歸矣

舟經太白樓懷古

大馬龍巾夢裏遊沉香醉罷夜郎流華清繡嶺寒  
烟外尚有任城太白樓

其二

愛解金龜貫玉壺山陰郭宇海天孤謫仙狂客風  
流並比較南池勝鑑湖

南湖晚泛

晴鷗水宿夜呼羣寥歷空天一雁聞却把漁燈照  
秋色滿湖帆影半山雲

南湖曉眺

亂峯烟樹遠坡陀一片青蒼枕上過辛苦白頭車  
壁裏幾人分夢到漁簑

海昌相國共事度支時每誦自是欲歸歸不

得五湖烟水有誰爭之句今倚檣眺望湖  
山滿眼正未知榆關歸騎定在何時爲之  
悵然歎憶

射鵬風急鴈行秋目斷寒雲有去舟偏是欲歸歸  
不得五湖烟水玉門愁

其二

玄都道士夢全非前度劉郎幾日歸種得桃花千

萬樹春風紫陌等閒飛

亦記游昌與  
瀨水詩語

夏鎮紀事

繡城雕盪峙水衡銀鈎十丈倚檐明監河小吏頭  
全白月出空街話太平

其二

賊壘橫穿一艇過居人幾載罷干戈漸知天意私  
黔首津鼓雲檣晚市多

其三

萍梗無成痛哭歸幾年複壁姓名微淒涼沛上秋  
風恣吹落天涯老布衣

其四

定山堂詩集

七言絕句

卷三八

君房要領驗狂奴精衛填潮計亦愚遙識皖江松  
月夜袈裟雪涕酒人孤

二首爲沛上故人兼及密之

舟阻阿城闌陳龔二生適自都門後至小飲  
半晌而別

問水愁風客緒紛柁樓橫笛隔江雲如何花外長  
安月玉管鵬絃此地聞

其二

燕市風高撼短裘五湖人倦五陵游琵琶任奏江  
州曲絲竹吳天總散愁



河風忽駛將抵安山口號志喜

風正檣烏荻葦鳴夜來月伴酒盃行應知柳市車  
塵遠早送菰蘆一日程

其二

垂柳鬢鬢欲覆湖烟帆停望曉山孤南屏北固真  
輸汝先入遊人四壁圖